

七十二
喉症

相
周
火



咽喉總論序

夫左咽屬胃右喉屬肺肺乃一身百節之關係呼吸出入之門戶
內經云一陰一陽結而為痺一陰者手少陰居火心之脉氣也一
陽者手少陽相火三焦之脉氣也二脉共絡於喉氣熱則內結
結甚則腫脹甚則氣痺痺者不仁之謂此喉痺之所由名而乳
蛾喉閉纏喉等症皆痺類也吳氏曰有風寒火濕毒虛實之別或
風火相搏或寒暑相聚其症變幻不一如漫腫而多痰風與濕也痰
白而牙緊風寒也紫色不腫而爛者風伏寒也紅腫而脉浮者風火
也脉沉寔而爛不腫者毒也脉細數而浮者虛火也脉細而緩者虛
寒六脉之象可類推也大凡起初之症診右寸洪緊肺風也兩關浮

數者胃火肝風也左寸浮洪心火也右寸沉遲肺伏寒也右寸沉細肺伏熱也右尺洪大三焦火旺也左尺浮洪而有力腎虛火炎也去脉大畧論治俱可用六味湯加減症若凶險脉宜細診再察形氣原對症用藥自然可愈經云神聖功巧不過望聞問切細心推詳庶無差悞耳張氏說

喉症分經

喉有二孔左為咽屬胃納食之關右為喉屬肺納氣之開口內二腭屬胃陰下腭屬痺陽舌之中屬心四圍屬脾舌根亦屬心小舌又名帶丁屬胃喉之左右舌根屬肝外兩耳垂下亦屬肝牙根上屬胃下屬脾舌胎白主寒黃主熱焦熱甚黑熱極凡舌胎不單論色但有津

者非真熱也不可概投涼藥宜引火歸源大舌邊乃脾火可用清涼
之劑喉癰地位屬肝再內寸許或爛或腫俱屬脾胃火毒之症結
毒亦有之但結毒者兩關脈必沉兩關脈浮非結毒也此分經之大畧
再考图形便悉張氏說

咽喉治法要論

醫者當審其病由參之時令必須大湧其痰去痰之法先備溫水使病
人漱口如墨點刺或吹藥令其垂頭流去痰涎俟痰涎少止仍以溫水頻
頻漱口如虛弱之人及病勢重者須要着人扶好或用銀針刺其患
處風熱則散之火症則清之甚者下之陰寒者溫之若初起驟用寒涼
之藥剋上熱未除中寒復生其毒乘虛而入即喘不休死不救矣大抵

風熱之症十之七八火毒之症十之三四寒涼之症十中一二也

若病勢昏沉疫多氣急飲食不進發熱不退牙關緊閉脉息微弱者症必重

人事不醒疫氣上攻聲如雷噎食眼張天柱倒陷面黑色焦鼻如烟煤張煽不定目睛突出汗如雨咽喉乾痛聲啞無痰手足麻痺膝蓋發喘及呃脉息如絲乃死症也

臨症用藥生死反掌醫者不可懷希冀之心故意延俟病者不可起懈怠之心念以致決裂古云走馬看咽喉不待少頃者即此謂也

遇症用藥後疫少腫退即愈如已潰用藥後越兩日即可進飲食者三日後無不收功矣

喉癰用藥後患處要變紅色知痛痒有津液潤澤者可治如用刀針須向自己勾來不可向病人口內剔去

咽喉忌下刀之地有四處

嚙化 啞門穴 喉關二均上

舌下筋 大忌之處

若用刀須刀頭上用蘸已藥或用亥申藥庶不作痛

臨症先診其脉象輕重後看其患處深淺若脉絕脉怪脉死則毋須用藥矣因毒已入腹非藥力所能挽回也

纏喉風及陰虛喉癰

二症最險而難治至危而不易識纏喉風內外無形其患在關內上面有紅絲如未入心尚可用藥已入心則不治矣凡遇此症務要早治在一日半日之內可保無虞陰虛喉癰如勞蝦皮形有青白點子高底大小狀如暑天瘡子其症雖危延日最久或一年半載而死或一月半月而死如起病數日之前治之十症可得九愈看喉腫處其色變紅者即成膿之候可不刺而自潰也

喉症用糯米泔水或甘桔湯或薄荷

湯俱要溫和為主山查研末煎藥內可加一撮乃消腫去毒治喉之要藥

也以上四症條吳氏說

病人壯者藥可猛弱者攻宜緩

如用刀針不可傷小舌要緊留心
夜晩看喉症須加倍細心药用六
味湯天明復看再為加減凡針舌下兩邊青筋血紅者生血黑者死
宜服清膈消疫解毒之劑以上四條張氏

四絕症

走馬喉風
鎖喉風
走馬牙疳
纏喉風

十六絕形症

舌捲囊縮	角弓反張	油汗如珠	十指無血
啞喉倉食	喉乾無痰	吐血喉癰	六脉沉細
聲如鋸拽	大便不通	鼻塌唇青	天柱倒塌
脉細身凉	兩目直視	痰壅氣塞	喉菌不治



左手脉色式

心脉悠揚緩散

寸

心包絡小腸

肝脉沉而弦長

關

肝膽

腎脉虛細而緩

尺

腎膀胱

凡診脉一呼一吸四五至者平和也
三至為遲寒六至為數熱病脉也

針穴

凡穴應病引針

頭面穴

在耳垂下八分名頰車穴

足陽明胃經

右手

少商穴

在大指內甲角

手太陰肺經

中冲穴

在中指內甲角

手厥陰心包絡經

左手

少冲穴

在小指內甲角

手太陽小腸經

右手脉式

命門脉緩而悠揚

寸

命門三焦

脾脉緩而散大

關

脾胃

肺脉浮濇而短

尺

肺大腸

脉遲則寒脉室為數則熱脉細緩脉則虛
寒脉細數脉則虛熱脉 一至二至八至九至皆死脉也



左手

商陽穴

在食指內甲角

手陽明大腸經

關冲穴

在無名指外甲角

手少陽三焦經

吳氏咽喉二十四大症歌訣

今存廿二症

喉痺症

鬱火^攻今

喉痺成。或生左右小棋形。鮮紅酒毒光如鏡。重在喉間風熱勝。

其症形小而圓初起或消或刺皆可是其色紫紅平塌光如鏡者不可刺宜內消因其毒發於本源故也

喉閉症

積熱風疫欲閉因生血泡在喉間忽然壅塞櫻桃樣點刺流涎病即安。

其症宜發表清熱先用針點後吹子丑藥

纏喉風

惡寒惡痛名陰毒內外無形氣短促胸前紅腫足多寒若見紅絲針刺貴

藥宜發表吹藥先用已藥如見紅絲即刺斷再用甲子藥



噎喉風

此症為之飛絲毒。口中發泡。丑藥覆。燥極點疫熱在心。忽然噎食。終非福。用針挑破血泡。後上丑藥。兼吹子藥。煎藥宜清熱祛疫。

啞喉風

啞瘡喉症。犯咽膈。口不言。今牙關緊。面紫唇青。鼻涕流。疏風降疫。即無厄。其症牙關緊閉。先用已藥。後用申藥。前後抹之。風疫去盡。為度。煎藥先發表。後清熱。

弄舌喉風

體發熱。今口內腫。舌出頻。將兩手弄筆針。患處去疫。涎解毒。疎風清熱。壅用三稜針。刺破少商穴。先用已藥。後用子藥。

爛喉風

裂

爛喉風症。頻已熱。唇若塗硃。口內熱。看其患處淺和深。藥宜子丑兼調。攝子丑二藥。和勻搽之。再用已藥。收功。煎藥宜清熱。

單乳蛾

喉內腫如桃李形或左或右單蛾名此症早治可速退疫消毒散自然平
此症不論已成未成皆可刺其形大而長初用已藥後用子且藥收功煎藥
宜發表後清熱

喉癰症

七情鬱結病成癰六日之內可刺膿不治須防冷瘕已申藥到定收功
其患在喉嚨化合後之症中到四五日後可刺早刺防復腫未腫前未潰
前吹藥先用已藥後用申藥潰後用子且藥煎藥先發表後清熱

牙疔症

太陰脾土足陽明二火交攻疔即成患在牙齦如豆大排針刺破即安寧
先用申藥後用丑藥

牙宣症

此症起時因胃熱壅而宣露常流血藥吹酉末即能除清胃煎來功奏捷
先用子藥後用酉末藥二種止血煎藥宜清胃火



木舌症

舌病心經受風熱忽然腫破口難說看時左右共宜針藥用梔連火氣滅吹藥用申藥看紫色處用小刀點之出血後吹子藥

重舌症

蓮花之症看如何三舌攢在舌底疔成藥頻搽宜更點清心瀉火莫蹉跎用申藥吹之不退再用成藥上三症用清熱解毒煎藥

重腭症

體雖不熱獨心勞舌上生來似小桃藥用黃連解毒飲吹宜冰片不宜刀吹之

走馬牙疳

小兒疳症屬於脾黑腐沿開臭不宜子丑合慘兼卵藥穿腮落齒終難醫先用米泔水洗淨或溫水亦可藥用子丑和勻敷上如不應乃險症也宜解毒

痧痘口疳

痘餘痧後口生疳爛在牙齦痘毒傳若如見痧生滿口須從心胃二經參

吹子丑藥煎藥宜瀉心胃二火

雙乳蛾

雙蛾兩兩生喉間關上輕今關下難氣吹好似紅李子輕消重刺去風痰
形似雙單蛾同刺不論已成未成先吹已藥不退再點子藥煎宜先發表後清熱

螞蝗疔

疼而微白螞蝗疔膀上生來韭菜形內不腫今發寒熱速宜針刺自然平
用申菊點去惡血後搽子菊煎藥有發表無表解毒瀉火

蓮子風

兩均深處患蓮珠初起沿開白色餘日久漸成八九點藥和子丑病當除
和子丑已藥吹之兼搽寅藥煎宜清熱解毒

陰虛喉風

癰症原來因損肺班生苔癰若蝦皮時時發熱頻頻嗽面赤聲嘶病可慮
其症虛弱不宜發表須用滋補解毒上半月痛甚者乃氣虛下半月



痛甚者乃血虛吹外藥並搽且西二藥如日久不減者不治矣

楊梅喉癰

楊梅結毒癰由生片白喉中穢氣聞白色變黃纔可治西隨子且共追尋
和勻子丑二藥吹入後用西藥收功煎宜解毒

咬牙風

咬牙即是鎖喉風毒在牙齦胃火攻不治恐成牙漏症開關辰藥子收功
先用辰藥擦牙齦縫中如腫不退再用子藥煎宜清熱解毒

張氏咽喉七十二症圖說


咽喉門第一 凡十一症

喉珠簾



南京中医药大学图书馆版权所有

喉啞食噎




簾珠喉癰喉如日網細狀兩邊微腫有白點根帶紅色小舌紅腫嚥水大痛此症因鬱積熱毒而發其脉兩寸浮洪兩尺亦數大而洪此上盛下虛之症也宜清火用六味湯加鹽炒黃柏酒炒黃芩鹽炒知母煨石膏山豆根鹽炒元參黑山梔木通生地服一帖後再加連翹紫花地丁大熟地丹皮川連草河車金汁一盃柏枝汁一盃乃妙外用吹藥六七日可愈


噎食啞喉此症因伏邪在肺聲啞噎食六脉遲細甚屬陰症余曾治一人年二十患此三年飲食少進病在將危余診視再三病雖久但脉尚有力有根或可治用六味湯加麻黃桂枝蘇葉木通細辛白芷訶子皂核姜半夏連服五六日病雖退而聲啞未除加桔梗訶子甘草薄荷以上俱童便炒加麻黃煎數沸口噎嗽徐徐嚥下服十帖乃愈後服補藥健脾胃



風熱喉



內外腫喉





風熱喉此症感風熱而起漏喉發細紅點根帶白舌下
兩邊三四塊六脉洪緊用六味湯加鹽炒元參酒炒黃
芩山梔木通花粉一服可愈外用吹藥兼服八
仙散

內外腫喉此症生於喉關之下陰陽相結內外皆腫或有
爛斑火鬱之症用六味湯加炒黃芩熟軍海浮石外加吹藥
方再加丹皮生地酒炒黃芩生石羔炒山梔木通即針少商
商陽二穴兩手四如背寒加羌活胃嘔吐加葛根柏枝汁亦可
嫩之

喉癰

紫虛喉



紫色虛喉口間紫紅日久變爛漆色因初起早服寒涼之藥
 故也此症肺胃伏寒平而不腫飲食難進吐出如腐肉者
 宜急治之如誤認為火熱之症反用三黃犀角羚羊等藥
 必死不救矣 余見此等紫色之症不論名色喉間絕無
 影形滿喉皆紫脉緩身涼者用六味湯加細辛葛根
 蘇葉 白芷川芎麻黃 各各服後紫變為紅加鹽炒元參
 酒炒黃芩 花粉 即愈
 喉癰此症因腎虛火旺發為癰於喉不腫而微紅上有班點青
 白不一如芥子大或針孔黍豆大每點生芒刺入水大痛喉間聲啞咳
 嗽無痰六脉細數者用知柏地黃湯兼四物湯加麥冬炒元參
 鹽炒女貞子枸杞人參洋參首烏阿膠 各各十服後用桂附八味丸
 加女貞枸杞二參 俱鹽 浸鹽湯下每服此引火歸源之法也如六
 脉洪數恐難脫體外兼用吹藥治之